


編年通載



一

二

三

四

五

四部叢刊三編

編年通載

(92832)

中華民國二十五年六月初版

本書實價國幣叁元

外埠酌加運費匯費

發行人

王

上海

雲

河南

五路

印刷所

商

上海

印

河南

館路

發行所

商

上海

務

及各

書館

埠

五十二

編年通載第四



○

後漢

世祖光武皇帝

諱秀字文叔謚法能細前業曰高祖九世孫出自景帝長沙定王發之後父南頓令欽光武年九歲

而孤養於叔父良年二十八與兄伯升及李通起於宛

正月平陵人方望立前孺子嬰為天子更始遣李松擊斬之

四月公孫述自稱天子號成家建元曰龍興光武北擊尤來大

搶五幡諸賊大破滅之

諸將上尊號六月己未光武即皇帝位於鄴南建元大赦天下

建武三年

都洛陽

是月赤眉樊崇等立劉盆子為帝建元曰建世七月鄧禹為大

司徒王梁為大司空吳漢為大司馬

九月赤眉入長安聖公降盆子封為長沙王尋殺之

十一月劉永自稱天子於睢陽

十二月盧芳起安定匈奴立芳為漢帝

酉

乙

丙 戌

二年

正月甲子朔日有食之 赤眉焚西京宮室發掘園陵寇掠關中
二月漢陽太守彭寵反攻幽州牧朱浮於薊延岑自稱武安王於
漢中 四月封宗室為王功臣皆為列侯 六月戊戌立貴人郭
氏為皇后子彊為皇太子大赦天下 八月帝自將征五校大破降之
蓋延伐劉永拔睢陽永奔譙關中饑民相食赤眉入長安 十一月銅
馬青犢尤來餘賊立孫登為天子於上郡 伏隆招張步降之
十二月赤眉眾尚二十餘萬食盡乃引而東歸

丁 亥

三年

閏正月馮異大破赤眉於崤底帝自將征之次宜陽赤眉震怖奉
高皇帝璽綬降 二月祠高廟受傳國璽 劉永立董憲為海西
王張步為齊王步殺伏隆而反 三月彭寵自立為燕王 五月
乙卯晦日有食之六月壬戌大赦天下 秋蓋延攻拔睢陽獲劉
永而蘇茂周建立永子紆為梁王 李憲自立為天子擁九城眾
十餘萬西州大將軍隗囂奉奏報以殊禮

戊子

四年

七月馬武王霸圍劉紆於垂惠

八月馬成率三將軍圍李憲於舒

三月公孫志立劉禪為將軍王

己丑

五年

二月馬武王霸拔垂惠紆出奔

彭寵為其蒼頭子密等所殺漁

陽平

三月平狄將軍龐萌反

四月旱蝗

河西大將軍竇融始

遣使貢獻

八月吳漢攻郾拔之獲劉紆梁地悉平

十月耿种大

破張步於臨淄步斬蘇茂以降齊地平

十二月盧芳自稱天子

於九原與胡通兵侵苦北邊

庚寅

六年

正月馬成等拔舒獲李憲吳漢拔胸虜董憲龐萌山東悉平
四月幸長安始謁高廟遂有事十一陵 五月隗囂反 夏蝗秋
九月丙寅晦日有食之 遣蓋延等七將軍從隴道伐公孫述
與隗囂戰諸將敗績
匈奴遣使來獻使中郎將韓統報命

辛卯

七年

三月公孫述立隗囂為朔寧王
癸亥晦日有食之避正殿寢兵不聽事五日四月大赦天下
八月隗囂寇安定馮異祭遵擊却之

壬辰

八年

閏四月帝自征隗囂竇融率五郡太守與車駕會高平隴右潰囂奔西城 潁川盜賊寇沒屬縣京師騷動帝自征之盜賊皆降
秋大水 十二月高句麗王遣使奉貢

癸巳

九年

正月隗囂病死其將王元周宗復立囂子純爲王
八月遣來歙監馮異等五將軍討隗純於天水

甲午

十年

八月幸長安祠高廟遂有事十二陵
十月來歙耿种等大破隗純於落門降之其將王元奔蜀隴右平
吳漢擊盧芳敗之 先零羌寇金城隴西來歙率諸將擊破之

乙未

十年

閏二月岑彭率舟師伐公孫述六月來歙馬成破述將王元環安於下辯安遣人刺殺歙八月岑彭藏宮破述將侯丹延岑降王元十月述遣人刺殺岑彭馬成平武都十二月吳漢率舟師伐蜀是歲先零羌寇臨洮馬援擊破之

丙申

十一年

十一月戊寅吳漢藏宮大破公孫述於成都述被創夜死辛巳吳漢屠成都夷述宗族及延岑等十二月詔邊吏力不足戰則守追虜料敵不拘以逗留法尤真徼外蠻夷張遊率種人內屬封為歸漢侯

丁酉

十三年

二月盧芳自五原亡入匈奴宗室及絕國封侯者凡一百三十七人降諸王為公四月吳漢自蜀還功臣增邑更封凡三百六十五人其外戚恩澤封者四十五人五月匈奴寇河東七月廣漢徼外白馬羌豪率種人內屬九月日南徼外蠻夷奉獻

戊戌

十四年

正月匈奴遣使奉獻使中郎將劉襄報命

四月封孔子後志爲褒成侯

莎車國鄯善國遣使奉獻

己亥

十五年

正月丁未有星孛於昴又有星孛於營室

四月封皇子十人爲公追謚兄伯升爲齊武公仲爲魯哀公

十二月盧芳自匈奴入居高柳

庚子

十六年

二月交趾女子登側反九真日南合浦盜群起三月辛丑晦日有蝕之秋郡國大姓及群盜起攻劫青徐幽冀尤甚遣使聽自相追捕並解散盧芳遣使乞降十二月封芳爲代王是歲始行五銖錢

辛丑

十七年

二月乙亥晦日有食之 四月乙卯南巡守皇太子從 十月皇后郭氏以怨懟廢為中山王太后以子輔為中山王立貴人陰氏為皇后 皇子皆進爵為王 莎車國遣使貢獻

壬寅

十六年

二月西巡守幸長安三月祠高廟遂有事十一陵進幸蒲坂祠后土 四月遣馬援率樓舡將軍段志等擊交趾賊至浪泊登側等走 五月旱 盧芳復亡入匈奴遂死胡中是歲罷州牧置刺史

癸卯

十九年

正月追尊宣帝曰中宗始祠昭帝元帝於太廟成哀平帝於長安 春陵節侯以下四世於章陵 四月馬援破交趾斬登側因擊九真賊破降之 六月皇太子彊以母廢固請避位詔封為東海王 以東海王陽為皇太子改名莊 九月南巡守 西南夷寇益州郡

甲辰

二十年

五月匈奴寇上黨天水遂至扶風 六月蔡茂為大司徒朱浮為
大司空 秋東夷韓國人率眾詣樂浪內附 十月東巡守
十二月匈奴寇天水

乙巳

二十年

正月劉尚討破益州夷平之 秋鮮卑寇遼東太守祭彤大破之
窮追出塞自是震怖 十月匈奴寇上谷中山 冬鄴善王車師
王等十六國遣子入侍奉獻願請都護帝以中國初定未遑外事
乃還其侍子厚加賞賜

丙午

二十一年

閏正月幸長安祠高廟遂有事十一陵 五月乙未晦日有食之
九月戊辰地震裂 十月朱浮免杜林為大司空 青州蝗
匈奴薁鞬日逐王比請和親使中郎將李茂報命烏桓擊破匈奴
匈奴北徙幕南地空是時匈奴國亂諸將臧官等爭請擊之帝不許

丁未

壬午

正月南郡蠻叛遣劉尚討破之徙其種人於江夏 五月蔡茂薨
九月以王況為大司徒 八月杜林薨十月以張純為大司空
冬高句麗率種人詣樂浪內屬 十二月武陵蠻叛寇掠郡縣劉
尚討之軍敗沒 匈奴莫鞬日逐王比率部曲遣使內附

戊申

壬午

春匈奴莫鞬日逐王比率遣使款五原塞求扞禦北虜
七月武陵蠻寇臨沅遣馬援率四將軍討之
十月匈奴莫鞬日逐王比率自立為南單于於是分為南北匈奴

己酉

壬午

春烏桓大人來朝南單于遣使貢獻奉藩稱臣又遣左賢王擊破
北匈奴却地千餘里 三月南單于遣子入侍 戊申晦日有食
之 伏波將軍馬援破武陵蠻於臨沅十月叛蠻悉降 夫餘王
遣使奉獻烏桓大人率眾內屬

庚戌

壬午

正月遣使授南單于璽綬令入居雲中始置使匈奴中郎將將兵衛護之南單于遣子入侍奉奏詣闕

辛亥

壬午

四月王況薨五月詔二府去大名又改大司馬為太尉以趙喜為太尉馮勤為司徒北匈奴遣使詣武威乞和親益州徼外蠻夷率種人內屬

壬子

壬午

夏更始子鯉因沛王輔弒武侯恭詔郡縣捕王侯賓客坐死者數千人八月東海諸王始就國北匈奴遣使貢獻乞和親

癸丑

壬戌年

二月丁巳朔日有食之

甲寅

三十年

正月鮮卑大人內屬朝賀 二月東夷守

閏月有星孛于紫宮

五月大水

乙卯

壬午年

五月大水癸酉晦日有食之夏蝗 鮮卑大人於仇貴率種人貢
獻封貴為王時南北單于更相攻伐而鮮卑彊盛北匈奴遣使奉獻

丙辰

建武中元元年

正月東巡守二月辛卯柴望岱宗登封太山甲午憚于梁父四月
大赦天下改年夏幸長安六月馮魴為司空馮勤薨以
李訢為司徒秋郡國三蝗十月告祠高廟上薄太后
尊號曰高皇后配食地祇遷呂太后廟主于園十一月
甲子晦日有食之是歲初起明堂辟雍靈臺及北郊兆域

丁

二年

正月辛未初立北郊祀后土東夷倭奴國王遣使奉獻
二月戊戌上崩於南宮前殿年六十二葬原陵廟曰世祖帝身濟
大業兢兢如不及每旦視朝日仄乃罷講論經理夜分乃寐故能
明慎政體總攬權綱退功臣進文吏是以中興佐命莫不以功名
自終延慶于後

顯宗孝明皇帝

諱莊謚法照臨四方曰明光武第四子母陰皇后師事博士
桓榮學通尚書二月戊戌即皇帝位年三十尊皇

后曰皇太后以母弟東平王蒼為驃騎將軍輔政
四月以高密侯鄧禹為太傅秋燒當羌寇隴西遣竇固馬
武討之

巳

戊午

永平元年

正月帝率公卿已下朝謁原陵如元會儀 五月東海恭王彊薨
年三十四王恭謙好禮以德自終 七月馬武等與燒當羌戰
大破之 遼東太守祭彤使鮮卑偏何擊破赤山烏桓斬其渠
帥塞外震讟胡夷皆來內附

己未

二年

正月辛未宗祀光武於明堂帝及公卿列侯始服冠冕衣裳玉佩
綬屨以行事赦天下 三月臨辟雍初行大射禮十月行養老禮
以李躬為三老桓榮為五更 甲子西巡守幸長安祠高廟遂有
事於十一陵 是歲始迎氣於五郊初有佛法

庚申

三年

二月以郭丹為司徒虞延為太尉 甲子立貴人馬氏為皇后援
之女后無子賈貴人_{中元}生肅宗帝令后養之撫育勞悴過於
所生遂立為皇太子名炆 六月有星孛于天舡北八月壬申晦
日有蝕之是歲京師及郡國七大水